

Na osnovu člana 8. stav (1), člana 13. tačka i) Okvirnog zakona o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini („Službeni glasnik BiH“, broj 50/08) i člana 17. Zakona o Vijeću ministara Bosne i Hercegovine („Službeni glasnik BiH“, broj 30/03, 42/03, 81/06, 76/07, 81/07, 94/07 i 24/08), a u vezi sa Odlukom o traženju međunarodne pomoći za zaštitu i spašavanje (VM broj: 33/20 od 01.04.2020. godine), na prijedlog Ministarstva sigurnosti Bosne i Hercegovine, Vijeće ministara Bosne i Hercegovine, na 13. vanrednoj sjednici, održanoj 16.04.2020. godine, *donijelo je*

## **O D L U K U**

### **O PRINCIPIMA RASPODJELE MEĐUNARODNE POMOĆI ZA ZAŠTITU I SPAŠAVANJE**

#### **Član 1. (Predmet odluke)**

Ovom Odlukom Vijeće ministara Bosna i Hercegovina određuje principe raspodjele međunarodne pomoći za zaštitu i spašavanje za potrebe prevencije, zaštite, tretmana oboljelih i suzbijanja pojave koronavirusa (COVID – 19).

#### **Član 2. (Princip raspodjele)**

- (1) Međunarodna pomoć za zaštitu i spašavanje se dijeli po principu utvrđenom u procentima kako slijedi:
- a) 62% za Federaciju Bosne i Hercegovine,
  - b) 38% za Republiku Srpsku,
  - c) 0,5% od međunarodne pomoći za zaštitu i spašavanje za Federaciju Bosne i Hercegovine i 0,5% od međunarodne pomoći za zaštitu i spšavanje za Republiku Srpsku dodjeljuje se Brčko distriktu Bosne i Hercegovine.
- (2) Sredstva iz stava (1) tačka a) ovog člana biće podijeljena kako slijedi:
- a) Federacija Bosne i Hercegovine 50%;
  - b) Deset kantona 50 %.

Član 3.  
(Nosioi raspodjele)

- (1) Raspodjelu međunarodne pomoći za zaštitu i spašavanje po procentima iz člana 2. ove Odluke će vršiti Vijeće ministara Bosne i Hercegovine, a na prijedlog Koordinacionog tijela Bosne i Hercegovine za zaštitu i spašavanje.
- (2) Izuzetno, u slučaju nesporazuma oko raspodjele međunarodne pomoći iz stava (1) ovog člana, ista će se rasporediti posebnom odlukom Vijeća ministara Bosne i Hercegovine.
- (3) Stručne i administrativne poslove iz stava (1) ovog člana za potrebe Koordinacionog tijela Bosne i Hercegovine za zaštitu i spašavanje obavlja Ministarstvo sigurnosti Bosne i Hercegovine.


Član 4.  
(Izvjешtavanje)

- (1) Zadužuje se Koordinaciono tijelo Bosne i Hercegovine za zaštitu i spašavanje da po završetku raspodjele međunarodne pomoći za zaštitu i spašavanje podnese Vijeću ministara Bosne i Hercegovine izvještaj o realizaciji ove Odluke.
- (2) Koordinaciono tijelo Bosne i Hercegovine za zaštitu i spašavanje podnosi izvještaj iz stava (1) ovo člana putem Ministarstva sigurnosti Bosne i Hercegovine.

Član 5.  
(Stupanje na snagu)

Ova Odluka stupa na snagu danom donošenja i objavljuje se u „Službenom glasniku BiH“, a primjenjuje se dok traje stanje prirodne ili druge nesreće na teritoriji Bosne i Hercegovine izazvane korona virusom (COVID -19).

VM broj: 39 /20  
16. 04. 2020.godine  
Sarajevo



Predsjedavajući  
Vijeća ministara BiH

Dr. Zoran Tegeltija